

ДЖОЙС МАЙЕР

МАШАР

*«...Синтем боцуш ма хуьлийла шун
дегнаш, кхера ма лойла уьш».*

Яхьъяс 14:27

ДЖОЙС

МАЙЕР

МАШАР

*«...Синтем боцуш ма хуьлийла шун
дегнаш, кхера ма лойла уьш».
Яхьяс 14:27*

Делан Йозанаш тѢра ерриге а цитаташ, леррина билгалонаш а ца еш, Делан Йозанийн шординчу гочдар тѢра ялийна (The Amplified Bible).

СПБ элпашца билгалгъяхна цитаташ Делан Йозанийн Синодальни гочдар тѢра ю.

Машар
Джойс Майер

PEACE
Joyce Meyer

ISBN 0-89274922-9
© 1995 by Joyce Meyer
Life in The Word, Inc.
P.O. Box 655
Fenton, Missouri 63026

Ерриге а бакъонаш авторийн бакъонийн законашца чӀагӀийна ю. Книгин а, мужалтан а чулацам цхъаьний я дакъошца яло мегар дац авторан йозанца еллачу бакъонца бен.

Чулацам

1. ХІун ду шун дагчохь?	7
2. Муха карор бу синтем	11
3. Делан машар хуьлийла олалла деш	15
4. Мила ву вайн дагахь дерг лачкъош верг?	19
5. Синтеме хилар сел мехала хІунда ду	23
6. Зуьйчу хенахь вай дийриг	29
7. Таханлерчу дийнахь даха	35
8. ДоІано машар бахья	39
<i>Керла дахар доладе!</i>	42

*« ... Вочунах дIавирзина, диканиг дойла цо
(аьхналла, синтем, кхерамех паргIатвалар
лахар, ца оьшу гIуллакхаи, девнаи дIатасар),
машар лохийла, цуьнгахьа кьуьйсуйш. (Делаца,
накьостаица, хьобьца хьайца машаре
юкьаметтигаи хила лиьна ца Iаи, уьш
хилийта а, цаьрга кхача а хьажа!)»*

Кипин хьалхара кехат 3:11

*Ас Деле доьху, хIокху книгано шуна дагчохь
машар хилийта гIодарна, ткъа и машар «шун
муьлххачу кхетамал лакхара а болуш».*

Пилапхошка 4:7

1

ХІун ду шун дагчохъ?

«Машар буюту Ас шуна, Сайн машар ло Ас шуна. Дуьнено ца лучу тайпана машар ло Ас шуна. Синтем боцуш ма хуьлийла шун дегнаш, кхера а ма лойла уьш. (Саготта ма хила, дог дохий а ма хила, кхера а ма кхера, цхъаьнгге а шаьш кхера ма дайта, осала а, ийзалуш а ма хила)».

Яхъяс 14:27

И дешнаш Мосуьйтгаза деша, ойлае царах лаций, шайн кхетам чу дижийта уьш.

ГондІахъарчу дуьнено шун дахарехъ шуна луьучу кепара бен синтем лур бац, ткъа иза шун дахарехъ дерриг а шуна хеттачу агІор дІадоьдуш хилча хуьлуш ду. Амма цхъа цатам я хало нислахъ, синтем оцу сохъта дІаболу, ткъа дагчу сагатдар а, кхерам а богІу.

Ткъа Дала леррина къобалвинчу Ийсас луш болу машар цкъа а дІакъаьстар бац шух я

дикачу а, я вочу заманашкахъ, шу хьал долуш я таро йоцуш дохкуш делахъ. Цуьнан машаро муьлхха а дарц сацор ду.

Алийша, гуттар а дерриге а шайна ма-луъу хила даьий шуна? Шуна халахетийта ца лаьа суна, амма иза кхочуш ца хин болу сатийсам бу. Дуккха а шерашкахъ сайна ца товш долчух д'акъаста г'иртира со. Халонаш а, зераш а сайна уллохула т'ехдовлийла лаьара суна. Амма иза аьттехъа а дацара. Ас Далла Iамал алсам мел йо а, со кхетара, дахаран дарцехула, халонашкахула, дагчохъ машар а болуш, чекхвала веза, са а ца гатдеш, холчу а ца х'уьттущ, т'аккха уьш сиха д'аевр ю.

Делан Йозанийн аг'Iонаш т'ера Дала вайга кхайкхам бо, ма кхера бохуш (хьовса «Яхъяс д'аязбина хаза кхаъ» 14:27). Ас дукхазза а дийшира и аят, дуккха а хенахъ цунна т'ехъ ойла а йира, цкъа ц'еххъана со кхийтира, айса деш дерг билггал и хилар: ас сагатдо, муьлххачу бахъанина со догдобхна а хуьлу.

Дагадаийта шайна Iийсас шен мурдашка бехк баккхар, цаьргахъ тешар дац аьлла, уьш ч'IoГIа мох баьлча кхерабеллачу хенахъ (хьовса «Марка д'аязбина хаза кхаъ» 4:40). Иза синтеме вара, цул сов, Иза ч'IoГIа наб кхетта вара, ткъа мурдаш боьхна хьийзара.

Ткъа шу? Ийсаца хІордан кеманна тІехъ а
долуш, мох чІогІа баьлча, паргІат Іалур дарий
шу?

Шайн дагчохъ машар латтабе, тІаккха хІора
дийнахъ дахарх даккхийдеш хир ду шу.

2

Муха карор бу синтем?

Хьогахь синтем муха хила беза боху хьехар пайден хир дац, нагахь цо билггал гойтуш дацахь иза муха дан деза.

Цхьа бакъдерг ду, дахарх самукъадала а, дагчуьра синтем дла ца балийта суна гю дина долу. Иза хIара ду: дан ца далуш дерг дан гIертар цхьа а маIна долуш хIума дац. Ткъа шу гIертий дан ца луш дерг дан? Юха дог духий лелий шу, шаш лелочух гIуллакх ца хилча? Шуьга дан ца луш дерг Деле далур ду, Цо иза дийр ду, Ша йиллина хан тIекхаьчча. Цхьа гIуллакх кхочушдан йиллинчу хенал совдаьккхина шуьга хIумма а далур дац. Шуьга иза далахь а, шайн хиллачу жамIана шу реза хир дац. Дала дечуьнга хьобжуш Iе. Цо дечо Цунна сий дахьар ду, ткъа шуна – машар а, синтем а.

Дан ца луш дерг дан гІертар хІун бохург ду? Масала, шу хъавсиний цІийнда, бераш, кхин гергара нах, доттагІий хийцабалийта? Адамашка ца хийцало адамаш, ткъа Деле хийцало. Нагахъ вай цхъана стагана, иза хийцавалийта гІерташ, ницкъ бахъ, вон массарна а хир ду. Адам тайп-тайпанчу тІедахкарша охъатаІийна латторхъама кхоьллина дац, цунна харжаман паргІато оьшу.

Сайн маренан хъалхарчу шерашкахъ ас къахъоьгура, Дейве гольфах ловзар дитийта гІерташ. Цу ловзарна цо дукха хан йойъу аьлла, хетара суна, дукхахйолу хан цо сайца яккха лаъара суна. Сайн Іалашо кхачъян гІерташ, ас ца деш хІума ца дуьтура, ур-аттал цхъацца кийтарлонаш а тІехъ: цунна оьгІазъоьхура, иза къарван гІертара, цуьнца къамел ца дора... ЦкъаццІа иза юхаволура, цхъана ханна гольфах ца ловзуш Іара, амма сан цу балхах самукъа ца долура, хІунда аьлча суна хаъара, цо иза, даггара а доцуш, ас тІеІаткъам барна динийла. Нагахъ шу цхъаъ дайтархъама стаг охъатаІо гІертахъ, цу гІуллакхо шун синтем а, самукъадалар а дойъур ду, ур-аттал шун Іалашо кхочушхилахъ а.

Я кхин масал: шу реза дац шайн синан хьолана, иза хийца гѳерта шу. Иза Дезачу Синан гѳюьнца бен далур дац. Иза гуттар а юххехь а ду, гуттар а гѳюдан кийча а ду. Цо шу Далла гергахь а, синца кхиарехь а далор ду.

Я, аьр вай, шуна шайгахь цхьа хѳума ца тов, иза дѳадаккха лууш ду шу. Шегара вон хѳума дѳадаккхар чѳогѳа мехала гѳуллакх ду. Амма шуьга иза дика а, сиха а далур ду, нагахь аш Деле гѳо дехахь. Шуна гур ду, Цо кхочушбийр бу шун лаамаш.

3

Делан машар хуьлийла олалла деш

*«Дала елла йолу синпарГато хуьлийла шун
дегнаш чохь олалла деш (кхелахо а хилла,
нийсонца а, хадам болуш а къастадойла цо
дерриге а...)».*

Ковлусихошка 3:15

Спортан кьийсадаларшкахь кхелахочо сацам бо, толамхо мила ву олий. Иштта синпарГато а хила еза и кхелахо, шун дахарехь хІун хир ду, хІун хир дац къастош волу.

Дуккха а нахана синтем ца карабо, хІунда аьлча цара тидаме ца оьцу Делан лаам, шайн лаам кхочушбар хьалха а доккхий. Шайна Гюлехь я нийса хетарг до цара, Делан Дашах дага а ца довлуш.

Сан дукхазза а аьтто болура хІара я важа лаам кхочушбан, иза айса дан деза олий, хетара

суна. Амма цкъа со кхийтира: нагахь дагчохь машар бацахь, сайн лаам ладбита беза ас. Шайна чохь болчу машаре ладогла, тлаккха дуккха а галатех хьалхадевр ду шу. Масала, хлума ма эца, къабсттина езаниг, нагахь дагчохь машар бацахь. Шуна мел чогла иза езарх, шу дохкодевр ду иза эцахь, хлунда аьлча Дезачу Сино эрна хаам бийр бацара шуьга цу хьокъехь.

Собга дукхазза а дехар до, хьехам бе олий. Амма цкъаццла со реза ца хуьлу, дагчохь синтем цахиларна. Со хинца билггал тешна ю: нагахь цхьанхья яха дезаро сан синтем байинехь, амма со хетте а цига йодахь, тлаьхья со дохкоер ю, юха сан цига яха езаш цахиларан бахьана а гучудер ду.

Суна дагадоглу, со Далла гуллакх дан йолаеллачу хенахь, собга цхьана метте кхайкхинера. Цу хенахь собга сих-сиха ца олура хьехам бан йола, цундела ас хазахетарца теоьцура массо а кхайкхар. Хьехам баран муьлхха а аьтто хилар суна чогла дезаш хлума дара, цундела со резахира.

Амма хюразза а сайн яха дезарх ас ойла йича, сан дагтлехь синхьовзам хуьлура. Иза тлаьхь-тлаьхья члаглора, тлаккха эххар а сан синтем байра сайна хлун ду а ца хуучу бахьанина. Со кхайкхинчу метте ца яха ойла

хилира сан. «Шуна сан метта ван цхъаъ ца каравахъ, со йогур ю, – элира ас, – амма, стенна делахъ а, цхъа тамашийна сингаттам лаьтта-кх сан дагтӀехъ, шу долчу ас йогур ю аьлчхъана дуьйна». Сох кхета а кхетта, цу гӀуллакхах со мукъа йитира соьга кхайкхинчара.

ТӀаьхьо суна хиира, со хьехам бан яха дезачу дийнахъ оха Далла Тамал ечу меттехъ керла гӀишло яра схъайобллуш. Цу хенахъ со динан ден гӀоьнча яра, цундела цу меттехъ со ца хилча ца йолура.

Ваьш цхъа сацам тӀеобцучу хенахъ дагтӀехъ синтем бу-бац хьовса деза вай. Дукха хьолахъ и синхаам цхъаъ бен йоцу билгало хуьлу, вай цхъа сацам бан беза я ца беза гойтуш йолу. Дала бохучунна тӀаьхъа а хӀиттий, Цуьнга шаьш дӀадигийта, тӀаккха шун дахар гуттар а машарх а, хазахетарх а дуьзна хир ду.

4

Мила ву вайн дагахь дерг лачкъош верг?

ХІора стеган сагатдан бахъанаш хуьлу. Дерриге а вайн дахарехь иблисо вай толлу. Цунна дика хаьа, уггар а дукха шун сагатдеш а, синтем бойъуш а дерг хІун ду. Амма шуна а хаа деза шайн сагатдеш дерг хІун ду, халачу хьолехь машар а, синтем а ларбархьама.

ХІораннан а шен бахъанаш ду синтем байна хила. Масала, ас сагатдечунна Дэйва гаттане а са ца гатдо. Суна тийналла еза, гІовгІа соьга ца лало, ткъа Дэйвна иза цхъана а кепара новкъа яц – иза книга а йоьшуш Іа, йоІа чІогІа музыка а локхуьйтуш, ткъа кІант жІаьлица лаьттахула керчаш ловзучу хенахь.

Соьга сихаллехь хІумма а ца дало, тІаьхъайисар а чІогІа ца деза суна. Ткъа Дэйв паргІат шен гІуллакх чекхдоккхуш хуьлу, юха, цІе яьлча санна, девдда даха дезаш хуьлу тхо.

Ишттачу хІумано сан дог датІадо, со синтемах а йоккху. Ткѣа Дѣйв дог доьхна хуѣлу, кеманна тІехаа цхѣа сахѣт хѣалха ша аэропорте ца кхачахѣ я ловзар дІадоладалале сахѣт хѣалха гольф-клубе вар шен ца нислахѣ.

Вай дерриш а тайп-тайпана ду. Стен лачкѣабо вайн синтем? Шайн синтем «лачкѣочу хІуманийн» список а хІоттаяй, доьзалехѣ йийцаре е иза. Кѣастаде, хІоранна ца дезаш дерг хІун ду. Таккха кхечунна новкѣадогІуш дерг ма де.

Суний, сан цІийндений гольфах ловзар дукхадеза. Суна иза садаІар а, самукѣадалар а делахѣ, Дѣйв – леррина ловзу, цундела цуьнца ловзучу хенахѣ соьга забар ца яло, цо нийса тохар ца дина аьлла. Тхойшиннан цхѣаьна самукѣадолу, амма суна хазахеташ дерг цунна ца товш меттиг а хуѣлу, цундела ас иза дицдан ца оьшу. Нагахѣ хѣо стагаца Іаш йолу дуккха а хан елахѣ, хѣуна цуьнан ледара агІонаш а, цунна марзделларг а дика хаѣа, цундела, хѣо хѣекѣалца лела дела, ахѣ цуьнан синтем бойѣуш дерг ца до, иштта дац иза?

Дѣйва гуттар а лардо суна лууш дерг а, марзделларг а.

Иза гІовгІа ца ян гІерта, со цхѣаѣ деш я садоІуш йолчу

хенахь. Цу тIе, цунна хаьа, кIадъелла хилча,
муьлххачу бахьанина а со оьгIазйоьдийла.

«...дахаран мохь базбелча, вовшашна гIо де»
(Галатахошка 6:2,СПБ) – вовшийн ледарлонаш
ловш хилий вай, кхачамбацарш вайн хIораннан
а ма ду.

5

Синтеме хилар сел мехала хІунда ду?

Вайна Деза Са хеза, вайн сагатдеш хІума а доцуш, синтемехъ вай долчу хенахъ. Дагахъ болу машар Іаламат боккха ницкъ болуш бу, цундела аьлла Іийсас: «Машар буьту Ас шуна, Сайн машар ло Ас шуна...» (Яхъяс 14:27). Нагахъ шун цхъа халонаш кхоллаеллехъ, амма аш царна са ца гатдахъ, иблисан шуна тІехъ олалла дац. Шу ницкъ болуш ду, нагахъ, Делах а тешна, синтемехъ Іаш делахъ. Нагахъ доьхна а, кхераделла а шу хилахъ, хІоьттина хьал аш иблисан кара дІало. Халачу хьолехъ нислахъ, синтеме хила. Иблисан карахъ ловзо хІума ма хила. Хала хеташ делахъ а, халачу хьоле нисвелча, стаг латкъамаш бан, лен, бехкаш даха, тийжамаш бан волало, ткъа оцу дерригено, хьал чолхечу а доккхий, иблисан агІо чІагІйо.

Делан Йозанашкахъ аьлла ду, вайн дешнашка йоккха алу яккхалур ю, ткъа вайн мотт «...деГан вукху меженашна юккъехъ вон дуьне санна бу. Матто дерриг деГІ а бехдо, вайн дахаран некъ хъала а латабо. Ткъа ша жобжахатин цІерах хъалалеташ бу иза» (Якъуба 3:5-6). Иблисан Іалашо шун синтем дІабаккхар ю, тІаккха шу ледан атта хир ду цунна.

Аш тидам биний, дукха хьолахъ хІун хуьлу, шу Делан цІийне даха кечделча я Делан Йозанаш деша охаховша лууш хилча? Тешна а, цхъацца халонаш нисло-кх?

Хьалха кІирандийнан Іуьйиранна тхан чохъ сел йоккха гІовгІа гІоттий, тхо наггахъ бен ца доьлхура Делан цІийне вовшашна вас ца еш. Цхъа хІума йовра, цхъаь, охъа а южий, каглора. Тхан бераш дерриге а деношкахъ дика Іара, амма кІирандийнахъ вовшех латгаза довлура. Соьга гІовгІа лан ца ло, цундела гонах дерг гал мел дели а, со оьгІаз алссам йоьдура. Со лен йолалора, массаьрга а сайн резацахилар дІа а хоуьйтуш. Ткъа Дэйвна ца деза лер а, латкъамаш бар а, цундела соьга саца олура цо.

ТІаккха со гуттар а чуьра а йолий, тхойшиннан дов долура. Тхан гІовгІанаш а хезий, бераш делха дуьйлалора. Оцу хенахъ тхан жІаьла хуьлура, цхъаьннан мача бага а

юллий, чухула дедда лелаш, ткъа дерриге а оцу машина тѳера дѳадоладелла ма дарий.

Якъубан Кехата тѳера 3-чу коьртан 18-гѳа аят юха а доьшуш, со кхийтира, вай Делан цѳийне даха девлча, хѳунда нисло и саннарг. Шун дегнашкахъ машар хила беза, Делан Дош шуьгахъ чѳагѳ а делла, цуьнга дика стоьмаш балийтархъама.

Шун сих-сиха хуьлий оьгѳаздахар, Делан цѳийне даха кечлучу хенахъ? Диц ма де иблисан мекара хилар, ладугѳуш хила, дера «вайна-м цуьнан лаамаш бевзаш ма бу» (2 Коринтхошка 2:11). Оцу аятан кхечу гочдарехъ иблисан вочу ѳалашонех дуьйцу. Цо тайп-тайпана китарлонаш лелайо, стаг ле а вина, харц новкъа дѳавигархъама. «Собаре а, сема а хила! Шун мостагѳа иблис ду, гѳигѳ ден лом санна, цхъаь дѳакхалла гѳерташ даьлла лелаш» (Кипин хьалхара кехат 5:8, СПб).

Цуьнан ижу ма хилалаш! Шаьш собарх доха а, оьгѳаздаха а дуьйладеллехъ, цу сохьта низаме а дуьйлий, синтеме хила.

Дагахъ латгаде: шун дагтѳехъ машар хилар – иза шун ницкъ бу.

«Ма йита иблисана цхъа а меттиг» (Эпасхошка 4:27). Иза вайн дахаре догѳу, вай собарх доьхна а, оьгѳаздахна а хилча. «Шаьш дарделлачу хенахъ къинош ма летаде. Малх дѳа

ма бузийта, шаьш дарделлачохь а дуьсуш.» (Эпасхошка 4:26). Кхечу кепара аьлча, дуккха а хенахь цу хьолехь Іан мегар дац.

Вай собарх доьхна а, оьгІаздахна а хилча, вайн самукьадалар дІадолу, ткьа самукьадалар дІадаьлча, вайн ницкъ а дІаболу. «Везачу Эло лучу хазахетаро чІагІдийр ду шу» (Нахьми-ЯхІу 8:10, СПБ).

Паччахьа Дауда шен сине олура: «Хьо хІунда ду гІайгІане, сан са, доьхна хІунда ду хьо? (Сел гІайгІане хІунда ду хьо?)» (Назма 41:6). «Соьга, юха а дирзина, шу хьоьжуш делахь, кІелхьардевр ду шу. Шу собарца сох тешахь, ницкъ хир бу шуьгахь». (Сох тешахь, ницкъ хир бу шуьгахь. Синтеме а, собаре а хила). (ЕшаІ-ЯхІу 30:15).

Дезачу Сино Ша машар а, синтем а болчохь хаадолуьйту. Иза вайца ца хуьлу, вайн дагтІехь кегари хилча.

Іийсас шиша цхьаьна кхузткъе итт мурд вахийтира, цаьрга жинах дІа а дохуш, цомгашчарна дарбанаш леладаьта а, Хаза Кхакхайкхабайта а. Цо тІедиллира царна, гІали чу девлча, цхьана ханна чохь Іа цІа схьалаха, чу а девлла, цу цІенна машар беа, нагахь машарца тІе ца эцахь, шайн мачаш тІера чан охьа а эгаьй, цІа чуьра дІагІо аьлла.(Лакас 10:1-11). ХІунда? ХІунда аьлча Іийсас тІедиллинарг цхьа

а хІума далур дац цаьрга, нагахь машар болчу хьолехь уьш ца хилча.

«...ДоІанаш де, шаьш кьилахь долчу лаамашна кІел ца дисийта» (Лакас 22:46, СПБ). Шайн ницкъаца иблисана дуьхьало ян ма гІерталаш. ДоІанаш де, Дала шайна гІо даре а, ницкъ баларе а доьхуш, иблисана дуьхьал латта.

«...Со воцуш шуьга хІумма а далур дац»(Яхьян 15:5). Дала леррина къобалвничу Іийсаца шуьга дерриге а далур ду (хьовса «Пилапахошка 4:13). Иштта « чІагІло Везачу Элаца а, Цуьнан боккхачу ницкъаца а» (Эпасхошка 6:10, СПБ).

6

Зуьйчу хенахь вай дийриг

«...Вон тIедеанчу дийнахь дуьхьало ян шайн таро хилийтархьама а, массо а хIума кхочушдича, кхидIа а латтархьама а (шайн меттехь ондда латтархьама)».

Эпасхошка 6:13

Вай Дала кхоьллина тайпа ду. Ша леррина кьобалвинчу Ийсаца вай доьзна хиларна, Дала вай кхоьллина, хьалххе дуьйна Ша вайна кечдина долу дика гIуллакхаш вайга кхочушдайттархьама.» «Шаьш Дала леррина кьобалвинчу Ийсаца доьзна хилар бахьана долуш...» (Эпасхошка 2:10,13, СПБ). Шина а аятехь яздина ду,вай Дала леррина Кьобалвинчуьнца доьзна ду аьлла. Ийсас аьлла: «Нагахь Шу Сььца а хилахь, Сан хьехам шуьца а хилахь, шайна луьург деха, иза шуна лур ду».

Ерриге а халонаш шайна тIе ма лаца, теша, Дала массо а хIуманна тIехъ шайна гIо дийриг хиларх, иза а хууш, синтемехъ хила (Iебархошка 4:10).

Муьлхха а халонаш шух Ииттаяларх, Дела юьстах вуьсур вац, Иза шуна гIо дан вогIур ву. Ткъа шу «дIа а хIиттий, хьобжуш Iе, Везачу Эло тахана шаьш кIелхьар муха доху» (Арадаккхар 13:14). ХIуъа хилахъ а, машар а, синтем а дIа ма таса.

«...Цхъана а хIуманна тIехъ (бIаьрган негIар тухучу ханна а) мостагIех ма кхера: иза уьш хIаллакхиларан билгало ю царна, ткъа шуна – кIелхьардовларан билгало ю. Ткъа и кIелхьардовлар Делера хир ду»(Пилапахошка 1:28).

Нагахъ иблиса шуна халонаш яхъ, амма шу синтемах ца дохахъ, аш цунна гойту, цо лелочух цуьнан гIуллакх хирг цахилар. Цунна ца хаьа, шуна хIун дийр ду, шун дог дохо цуьнан аьтто ца хилча. Ткъа шу синтемехъ хилча, Делан аьтто хуьлу шун сагатдеш дерг дIадаккха, хIунда аьлча дагчохъ болчу машаро тоьшалла до шун тешар чIогIа хиларна (хьовса «Iебархошка 4:3).

Дахарх марзо а оьцуш, Далла хастам бе Цо хаддаза шайн гIайгIа барна. Аш дубхьало ян

там бу, дахарх воккха муха вийр ву, иза халонех дуьзна хилча.

Амма шу дог доьхна, холчохь хиларх, уьш жимлур ма яц, мелхо а уьш кхин а дукха хир юкх. Хазахетаран, машаран санна, ницкъ бу, иза шу Делах тешаш хиларан билгало ю, ткъа цо халачу хьолах шу сихха чекхдовлийта гЮ до.

Хьалха суний, Дэйвний цхьацца халонаш тIеIитгаелча, цатемаш хилча, иза дог доьхна ца хуьлура, хьалха санна, дахарх самукьадолура цуьнан. Ткъа суна со декъаза хетара, сайн санна, цуьнан а бала хIунда бац тхан халонашца аьлла хетара.

Ахча ца тоьуш, кест-кеста халонаш хуьлура тхан. Уьш дIаевриг хиларх тешна волчу Дэйва олура: «Делан Йозанашкахь аьлла ду, вайн халонаш Деле дIало, хIунда аьлча Иза вайн гIайгIа беш ву. Цунна вайн дерриге а хьашташ хаьа, тIаккха ас стенна сагатдан деза? Сагатдаро вайна ахча дахьар дуй?»

«Дэйв, – олура ас цуьнга, – суна и дерриге а хаьа, делахь а хьо хIумма а ца деш Юйла ма дац.

ХIуьа дина а, цо цхьаь дан лаьара суна.

– Дика ду, Джойс. ХIун дан деза ас?

– ДоIа де, вайн халонаш дIаяха алий.

– Ас, хIинцале доIа а дина, Деле дехна, тхан халонашка хьажахьара аьлла. Ас Цуьнга

хаьттира, хIун дан деза ас оцу гIуллакхца доьзна. Цо соьга хIумма а ца элира, цундела суна цхьа а бахьана ца го и халонаш атгачу яха гIерта а, дог доьхна хьийза а.

Деган кIоргенехь суна хаьара, Дэйв нийса вуйла. ХIетте суна чохь долчу цхьана озо бохура, оццул дог дохо хIуманаш тIехIиттина хилча, самукьадаьлла муха лелар ву. И хьал масех шарахь лаьттира, тхан халонаш мосазза хуьлу: Дэйв, доIа а дой, паргIат хуьлура, со доIа деш а, дог этIаш а лелара. Суна со декьаза хетара, ткьа Дэйв дахарх воккхавеш лелара. Дала гуттар а гIо дора цунна халачу хьолах чекхвала. Эххар а со кхийтира сайн сагатдарша диканиг дахьар доцийла. Суна со декьаза хетара, ткьа оцо, хетарехь, сан доIина жоп сецадора.

ХIинца суна хаьа собаре хила, хIуьа хилахь а.

Ийсас аьлла: «Дуьненахь (вайна гонах долчу) гIайгIа хир ю шун, амма доьналла долуш хилалаш! Со тоьлла дуьненал» (Яхььян 16:33). Дахарехь халонаш йоцуш ца хуьлу, амма вай царна кIелдиса ца деза (Лакин 8:13; 1 Коринтхошка 10:13; Якьубан 1:12). Вай – толамхой ду Дала леррина кьобалвина Ийса бахьана долуш (Римахошка 8:37). Шайн цхьа а

хало йоцчу хене са а ма тийса. Машарехъ хила – тIаккха толам гуттар а шуьгахъ хир бу.

Векалера ПахIалера масал эца. Иза тоам беш Ийна, ша кьен волчу хенахъ а, хьал долуш волчу хенахъ а (Пилапахошка 4:11-12). Нагахъ иштта лела шу а ца Iамахъ, шун дахарера халонаш цкъа а дIаевр яц. Дагахъ латгаде, нагахъ, цхьана хьолах пайда а оьцуш, ибласо шу охьатаИйна латтош делахъ, цуьнга шуна тIехъ олалла далур ду. Ткъа дагчохъ машар а болуш шу хилахъ, муьлхха а харцонаш шуьга эшалур ю.

7

Таханлерчу дийнахь даха

«Кханенна сагатдеи, ойла ма е (глайглане ма хила) – цуьнан шен Да ву. Хлора де а шен глайгЛа яхьаш доглу».

Маттайс 6:34

Дагчуьра машар длабаларан ма-дарра долу бахьана – кханалерчу дийнан глайглабар ду. Тахана тоьал гуллакхаш а, халонаш а яц вайн, кханалерчу денна са ца гатдича а? Дала вайна тахана гла до, Цо кхана а дийр ду вайна гла. Цул сов, дукха хьолахь вайн сагатдарш эрна хуьлуш а ду. Цкъаццла нисло, вай сагатдо цкъа а хир доцчунна а. Ткъа сагатдалар кхераме дирзинехь, вай кхийринарг вайна хир а ду.

Ма кхера кханалерчу дийнах. Дела тешаме ву, кхана дан дезарг Цо кхана дийр ду. Цуьнан ницкъ бу муьлхха а шун хьашт кхочушдан, цундела кханалерчу денна глайглабаро

таханлерчу дийнахь дахарх марзо эца аьтто ма бохабойла шун. Вайга дуккха а далур ду, нагахь Делах а тешна, таханлерчу дийнахь вай Iаш делахь.

Ас и урок схьайцира, Делан Йозанийн колледжехь со хьеха йолаелча. Цу хенахь со дуьззинчу дийнахь болх беш яра, иштга, динан ден гЮьнча со йолчу Делан цIийнехь кIиранах цкъа хьехам а бора ас, цул сов, диь бер а дара сан. Цеххьана сан аьтто хилира кIиранах кхузза хьеха. Со сатуьйсуш яра цу балхе, эххар а и аьтто сан хилира. Амма занятеш совъевлча, царна кечамбар а совболура. Сан леррина Делан Йозанаш Iамо дезара, занятешна кечам ма-хуьллу дика бархьама. Кечамбан сан сарахь бен аьтто бацара, хIунда аьлча дийнахь сарралц со балхахь яра.

Дуккха а доIанаш а, ойланаш а йинчул тIаьхьа и Iаламат чолхе гIуллакх тIелецира ас, дерриг а Дала гIодаре диллина а долуш. Айса иза муха кхочушдийр ду а ца хаьара суна. Амма денош дIаобхура, со дерриг а дан ларайора. Дала массо а гIуллакха тIехь гIо дора суна. Ткъа шолгIачу шарахь суна дуккха а атта дара, хIунда аьлча массо а урокийн конспекташ яра соьгахь.

Ши бахьана дара Далла ас и болх тIелаца лааран. Цкъа-делахь, сайна зеделлачунна тIехь

суна хиира, таханлерчу дийнахь ваха мегарг хилар, кханалерчу дийнан гIайгIа а ца беш. Ткъа шолгIа-делахь, Цунна лиира сих-сиха хьехамбарх со йолийта. ХIинца оцу гIуллакхо гIо до суна, Делан цIийнехь дечу бечу балхал сов ас дуккха а конференцеш а йо, тайп-тайпанчу пачхьалкхашкахь кест-кеста Хаза Кхаъ а бовзуйту.

Нахана цатам беш ду цара хьалха дийлийтина гIалаташ а, ледарлонаш а. ГIалаташ вай массара а дуйлуйту. Ур-атгал, шуна хетарехь, массо а хенахь дерриге а нийса деш ву аьлла хетарг а наггахь галволу.

Вай наггахь дан а до, дийца а дуйцу тIаьхьа ваьш дохкодевриг. Амма хьалхалерчу гIалаташна сагатдечул, уьш нислур доцийла а хууш, церан тIаьхье дIаяккхар Далла тIедиллар гIолехь ду.

ЦкъацIа со дохкойолу айса совнаха аьллачунна. Амма айса цхьанна халахетар дарна я цхьаь оьгIазвахийтарна сайн садааран меттана, ас доьху Деле дIахайталахь царна, ас иза ларамаза дина хилар олий. Ткъа со паргIат хуьлу, са а ца гатдеш, и нах гича, кхералой, хаба а ца хебаш.

Хьалхалерчу гIалаташна дохкодийлар вайна гур хила мегаш ду.

Асий, Дэйвий кест-кеста делкъе цийнал араха йо. Нагахь яа хIума ледара кечъечохь я гIуллакх дика ца дечохь а нисло. Хьалха иштгачу меттера арадевлча, тхо дехха Iара цига дахарх дохкодовлий. Амма хIун пайда бу цунах? ХIума йиъна а, цунах ахча дIаделла а тхо девлла, вочу яа хIуманах долчу тхан халахетаро хIумма а хуьйцур дац. ХIинца иштганиг хилча, оха дуьххьалдIа олу: «ХIара хIума яа вoьду меттиг яц, вай кхин цига гIур дац».

Тхан цахь кхозуш у ду, иштта йоза тIехь а долуш: «Нагахь шу хьалхалерачуьнца дехаш делахь, аш шайн дахар чолхечу хьоле доккху. Нагахь шу хиндолчуьнца дехаш делахь, шух хьoьгийла дац. Амма аш хазахетарца хIора догIу де тIеoьцуш делахь – шу нийсачу новкъахь ду!»

8

ДоІано машар бахъа

«Цхъана хІуманан гІайгІа ма е, амма мел дечу доІанашкахъ а, дехарикахъ а, баркалла а кхайкхош, шайна оьшург Деле дІахаийта. Паккха шун муьлххачу кхетамал лакхара а йолуш, делера схъайогІучу синпаргІатоно шун дегнаш а, шун хъекъали а лардийр ду, шу Дала леррина къобалвинчу Іийсаца доьзна долу дела».
Пилапхошка 4:6-7

Шуна чохъ кхетамал а лакхара болу машар кхуьу хъал ледара долчу хенахъ, ткъа шу, синтем байна а, доьхна а, холчу хІиттина а хиларан меттана, инзаре паргІат Іаш хуьлу.

Шайн халонаш Іийсага дІало. «Берриге а шайн гІайгІанаш Цунна тІе бахка, Иза шун бала болуш ву» (Кипин хъалхара 5:7).

Кхечу гочдарехъ и аят иштта далийна ду: «ДІало Цуьнга шайн гІайгІанаш, дерриг а шайн сагатдийриг, халахетарг, хІунда аьлча Иза шуьга хьоьжуш ву, шен хеннахъ шун гІайгІа

бархъама». Ма дика аьлла ду иза! Мел новкъадогӀу цхъаболчу Иийсана тӀаьхьахИттинчара оцунах пайда ца обцуш. Ткъа шух хӀун эр дара? Аш дӀалой Цуьнга шайн гӀайгӀанаш? Нагахь ца лахь, шуна гӀолехь ду мелла а сиха иза дар. Шу сих мел ца ло а, аш алсам сагатдо, иблисан шуна тӀехь долу олалла совдолу, цуьнан гура юкъара схьадовла шуна хала хуьлу.

Везачу Элана тӀе сайн гӀайгӀанаш бахка со йолаеллачу хенахь, хӀора денна царах йолчу ойланаша хьийзайора со. «Веза Эла, со оцу дерригенах ойла а ца еш муха Иийр?» – хаьттира ас Деле. Суна дагадогӀу, Цо жоп делира:«Иза атта ду, Джойс, дуьххьалдӀа кхечу хӀуманан ойла ехьа». Боккъал а дерриг а атта ду: аш шайн халонах ойла ца йо, цхъана кхечу хӀуманна тӀе шу дирзича. Амма хӀетте а шу цунах ойла еш хилахь, шун ойла дика хир ю.

«Цхъана а хӀуманан гӀайгӀа ма е, амма мел дечу доӀанашкахь а, дехаршкахь а, баркалла а кхайкхош, шайна оьшург Деле дӀахайита» (Пилапхошка 4:6, СПб). ДоӀанаш де, цхъана а хӀуманна са а ца гатдеш, тӀаккха шун «Делан машар хир бу, муьлххачу хьекьалал лакхара болу». Кхечу кепара аьлча, адаман кхетамал лакхара болу машар. Ткъа коьрте вон ойланаш ца хьийзийта, «билггал бакьдолчух, оьзда

долчух, нийса долчух, цІена долчух, тамехь долчух, дозалла дан хьакъ долчух ойланаш е» (8-гІа аят).

Ас доІа до, Везачу Эло шуна и дерриге а шайн дахарехь лело ГІо дар а, Цо шуна кечдинчу декъалдарех аш зовкх хьегар а доьхуш.

Керла дахар доладе!

Нагахь аша Дала леррина Къобалвинарг тЕэцаза велахь, шу иза хІинцца дан аьтто бу. Даггара хІара доІа де, тІаккха шун Дала леррина Къобалвинчуьнгахь керла дахар хир ду.

*Веза Эла, со теша Дала леррина къобалвина
Іийса – Хъан КІант а, дуьне КІелхъардоккхург а
хиларх. Со теша Иза жІари тІехь велла хиларх,
и дарца сан къиноьх мах дІа а луш. Со теша
кхоалгІачу дийнахь веллачуьра ден а велла,
Хьуна аьтту агІор Иза Іаш хиларх.*

*Іийса, суна обьшу Хьо, ас Хьо сайн Веза Эла
санна тІеобьцу. Амин.*

ХІинцца дуьйна Іийса шун дагчохь Іаш хир ву. Дала шуна гечдина, шу Цунна хьалха цІена ду, кхелхича, шу стигала кхочур ду.

Талха а ца деш, Делан Дош дика хьобху Делан цІа а лахий, Везачу Элаца уллора юкъаметтигаш дІанисьян дуьйлало.

Делан Дош хааро а, кхочушдаро а хуьйцур ду шун дахар: «...нагахь шу Сан дош лардеш лелаи делахь, шу билггал Сан мурдаи ду. Шуна билггал долу бакьдерг а девзар ду, цу бакьдолчо шу паргIат а дохур ду» (Яхьяяс 8:31-32, СПб).

Делан Йозанаи деша а деша, Iама а де, уьи шайн дагчу дийшийта. Муьлххачу хьолехь Делан Даше хьовса – цо нийса сацам бан хьобхур ду шуна.

Безамца, Джойс Майер

Авторх лаьцна

Джойс Майер – дуьненчохь евзаш йолу Делан Йозанийн хьехархо а, бестселлерийн автор а ю. Цо язйина езткъа сов книжка, царна юккъехь шуьйра евзаш йолу ишттанаш а ю: «Со а, сан бега мотт а», «Делан ниІмат ца хиллехь», «Мила ву чохь хІусамда», «Кхетам – тІеман аре». Цо ши роман а язйина, ткъа иштта шен хьехамаш тІехь болуш эзарнаш дискаш ара а хецна.

Джойс Майеран «Хазахетарх дуьзна дахар» це йолу теле- а, радио а программаш дерриге а дуьненчохь гойтуш а, хозуьйтуш а ю. Иштта, дуьне мел ду массанхьа а тайп-тайпана конференцеш а йо цо.

Джойсан а, цуьнан майрачун Дэйван доккха диь бер ду.

США-ахь, Миссури штатехь, Сент-Луис-гІалахь бегахш бу уьш.

*Деле Дало шайн гайганаши,
Цо юханехъа синтем а, хазахетар а лур ду шуна!*



Цъха сацам бечу хенахъ вешан даггехъ болчу синтеме ладугъу вай. Дукха хъолахъ сацам тѳеэца оьшуш я ца оьшуш хилар оцу синхаамо душ йолчу билгалонца хуьлу вайн. Дала бохург а деш лела, тѳаккха шун дахар синтемах а, хазахетарх а дуьзна хир ду.

Дахарх даккхийдеш хила, хастамбе Далла Цо массо а хенахъ шайн гайгана барна. Аш ала тарло, хала ду дахарх воккхаве, иза халонех дуьзна хилча. Амма шу дог доьхна леларх уьш кѳезиг хир ма яц, мелхо а алсамъевр ю-кх. Ткъа хазахетар, синтем санна, ницкъ болуш ду, иза шу Делах тешна хиларан билгало ю. Ткъа Далла тѳетевжина, Цунах бѳобулуш шу хиларо шун халонаш сихха дѳайохур ю.



JOYCE MEYER
MINISTRIES